

經國雄略

廿一

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

JUL 22 1960

邊塞攷經國雄略卷之六

哈佛大學漢和
圖書館珍藏印

溫陵 鄭大郁孟周 編訂

潭陽 王介蕃康扶 參閱

邊塞攷

臨洮

臨洮古吐蕃也。臯蘭南峙黃河北遶風號形
勝舊屬固原。相去千有餘里。往往箠長難及
萬曆二十三年議設鎮守。專制四陲半壁
凡蘭河洮岷階文咸隸之屹若巨鎮焉

臨洮一。邊自松山新開拓池三百餘里築城建堡屯

洮河南
畵合圖



卷六
臨洮
見主

戍相望金城以南蘭靖莊涼永堪保障矣東自會寧
抵固原靖虜界西至弘化寺抵甘肅鎮莊浪界迤北
至松山永太川邊墻迤南繇黑城子至洮岷抵四川
松茂界境外北有松虜流虜瓦剌南有茵海虜等往
來住牧餘係各番族查得紅水河洮岷歸德俱極衝

洮河邊圖攷

洮河鎮屬衛一關五寨二堡二十四馬壯官
軍六千一百七十五員名新舊召選舍人土
兵民夫八百名馬三千七百一十六匹各處
民運糧三萬五千九百六十石有零草八千七
百五十九束民屯糧三千九百四十九石
有零布八千四百疋綿花三千三百疋

洮州監收通判一參將一總巡指揮四東路一北路
一西路一南路一把總管隊官全邛屯局捕首領官
全防守官一十八駐各寨堡

洮州馬步官軍五千六百二十二員名舍人土兵八

百名馬三千六百九十八匹民運糧二萬五千九百
六石草五萬八千五十九束民屯糧三千九百四十
九石五斗布八千四百疋棉花三千三百觔
高樓等關馬步官軍七十二員各馬二匹
濟泚等堡馬步官軍四百五十一員各馬一十六匹
楊昇等寨馬步官軍三十員各

岷州邊圖攷

岷州屬衛一所三寨七十堡八馬步官軍一
萬四千九百三十八員各召募民壯四百四
十五名馬二千一百九十二匹各處民運糧
折銀二萬九千五百八十七兩三錢二分額
徵民屯糧二萬八千五百九十四石有零布
三萬七千七百五十一疋綿花一千三百二
十二觔草二萬三
千一百九十束

岷州邊備副使一駐岷州守備三本鎮一階州一西
同一總巡千戶五階州二文縣三總巡指揮三東路
一西路一南路一把總晉隊官全邛屯局捕首領官

全邛操守領官全防守官一十七

岷州領紅堆等四十一寨堡馬步官軍七千一百五

十四員名馬一千四百二十九匹民運糧銀二萬三

千七百七十七兩一錢二分額徵民屯糧二千七百

八十四石布三萬六千一百六十五疋

階州領水橙峪等十一堡馬步官軍二千七百五十

二員名馬一百五十九匹民運糧銀三千七百一十

兩二錢一分額徵民屯糧五千六百九十九石二斗

文縣領陰坪等十二寨馬步官軍三千三百九十三

員名馬一百六十四匹民運糧銀二千一百兩額徵民

糧五千二百七十五石布一千五百八十六疋綿花

一千三百二十二斤草七千六百七束

領固領沙川橋等十三寨馬步官軍一千六百三十

九員名召募民壯四百四十五名馬四百四十四匹

額徵屯糧一萬四千九百三十五石九斗四升草一

萬五千五百八十三束

卷之六
六

河州邊圖攷

河州鎮屬衛一所一關二十四堡三馬步官軍九千二百二十七員名新舊召募壯丁二千二百九十二名馬二千三百六十四匹各處民運糧一萬八千六百八十石草六萬一千九百六十束本處民屯糧二萬九千八百七十五石屯草折糧一千六百七十七石本色鹽糧三千三百六十石折色鹽銀二千一十二兩二錢
--

監收通判一守備一把總管隊官全印屯局捕首領

官全歸德所印操官全總巡指揮二西路一南路一

防守官一十七駐各關堡

邊塞攷

卷之六

河州邊圖

七

見上

河州馬步官軍七千七百員名召募民壯二千二百九十二名馬二千二百八十五匹民運糧一萬二千六百六十三石草四萬三千三百六十束民屯糧二萬六千五百九石六斗屯草折糧一千三百二十四石九升本色鹽糧三千三百六十石折色鹽銀二千一十兩五錢。

歸德所馬步官軍二百四十八員名馬五十五匹民屯糧三千三百一十六石屯草折糧三百五十二石四斗。

積石關等二十三馬步官軍二百九十二員名馬二十四匹。

大通河堡等三官軍九百七十六員名馬二十四匹民運糧三千一百一十六石四斗草一萬八千六百束。

長城

長城之築起臨洮至遼東延袤萬餘里其為計也亦勞矣然此豈獨始皇築也昭王時已于隴西北地上郡築長城以拒胡趙自代並陰山下至高關為塞燕自遼東至襄平若魏若北齊若隋亦皆築焉

蓋天以山川險隘限夷狄有所不足增而補之亦不為過然內政不修而區區于外侮之禦乃至于竭天下之財以興無窮已之功是則不知所務矣雖然長城之築雖曰勞民然亦有為民之意存焉設使漢之

邊塞考 六卷 九
繼秦因已成之勢加以修葺魏之繼漢晉之繼魏世
世皆然則天下後世亦將有以賴之限隔華夷使腥
羶桀鶩之虜不得爲吾民害矣奈何後之人懲秦人
起閭左之失慮蒙恬絕地脉之禍而廢其已成之功
豈不惜哉

國朝所憑在東北長城應始東北夫神京在燕大寧
淪失天壽與異域爲隣宣府爲遼東隔絕亟亟圖
營以實後背猶恐緩也

本朝與秦漢之緩憑可得聞乎曰秦漢所憑在西北
上谷北平爲緩我朝所憑在東北甘肅寧夏緩也
秦漢憑西北故秦塞起臨洮漢武置朔方緩東北也
故誘匈奴入則于馬邑開樂浪玄菟當時非之我
朝反是然則我朝長城應始東北乎曰應始夫
神京在燕大寧淪失天壽與異域爲鄰宣府與遼
東隔絕亟亟圖營以實後背猶恐後也是故開平之
轉運難繼則當徙三衛以易大寧大寧之巢穴不除

則當通宣遼以爲絕塞。失時不舉策之可憾者也。何失時也？曰：徙三衛當在國初，爲絕塞當在成化弘治之間，何也？曰：國初三衛之置，根本未深，而開平之廬舍未廢，且北虜遠遁，三衛得以有之，以此相易，不爲難也。成化弘治之間，北虜數貢邊警，罕聞年穀屢登，塞下殷富，彼時若城京後，虜旣不與我競，我亦力足辦之，紆直進退，卽少有涉于三衛，三衛蔑視之也。今三衛視大寧爲樂土，而開平陷入虜庭，非惟我不能以大寧爲我有，且亦不能以開平與三衛矣。邊警所急，慎在宣夫，禍發有形，難先未兆，而京後尺寸棄取之間，三衛與尤以爲厲已，故曰失時可憾也。宣夫今宣大不可不城，所謂白刃在前也。宣大旣城，戰守斯議，謹哨望于登俾，伏精銳于半道，邨垣則矢石備施，以爲守，入塞則左右邀擊，以爲戰，此之爲宣大計也。而以其閒暇，大城京後，慮版築之屢興，則寬其諸役，恐三衛之有競，則啗以微資，土可築則土築，而磚

甃繼施石可劓則劓石而灰灌必慎自居庸抵山海
以爲袤遍其下別堡寨以爲援先之以京營出戍繼
之以招募成家蓋盡天下之力爲之而不以煩費阻
與遷都較輕重而不以勞難輟也是則失時可憾而
救時有要也救時有要然矣然有謂長城無益于疆
宇者何曰不究始末之言也夫塞下田不塞下人有
也爲虜墾也一騎長驅耕夫鼠竄耕具牛畜俱爲其
有矣塞下丁不塞下人有也爲息虜也朝取數人焉
殺而委諸壑暮取數人焉驅而入之虜夫塞田不墾
則粟愈貴非惟居者不可留而兵廩且不勝轉輸之
困矣塞丁不息則地愈孤非惟伍失者無從補而虜
幕且愈增其類矣夫當長城之未城也塞下粟有斗
數錢者乎塞下有人舍內郡而願僦居塞下者乎塞
兵有一非坐食官廩給地自養爲官戰守者乎一遇
伍缺清內拘緝如捕罪人有招募一呼千百彙集者
乎帑金至重也輦輸有遇掠者矣巡察使憲臣也行

邊塞文 卷六 十二 舊
部有遇害者矣。赴簿計郎如探虎穴，轉商賈郎如臨重壘，洪蔚內地也。虜至境而烽火不聞，朔方開府也。虜入塞而聲聞永隔，今時亦有之乎？故曰議長城之無益者，不究始末之言也。

若然則長城之有補於後世也明矣。然則長城足恃，虜終不能入塞乎？曰：何言終不入也？堤水而浸，潰必有方；引繩而牽，斷必有處。長城之利，烽火燧明而野易清也。攻拒久而兵易集也，粟入多也，生息蕃也。小舉之莫能犯也，大舉之易為調伏為應援，突擊也。虜慮歸之難，而不敢深入也。嗟夫，守不密則入，言必不入則宜廢守矣。既入則有戰，言必不入則宜廢戰矣。古今有廢戰守為國者乎？故謹詰邊之令，以嚴乘塞之時，精圍練之兵，以待農隙之入，申堡塞之約，以盡清野之實，固京後之防，以居萬乘之重，可戰可守，斯固策之中也。而近時邊將不求備，其所未備，顧曰未塞之前，虜惟小犯，既塞之後，必求大舉，小犯易遏，大舉

難支。則是以大舉爲塞致也。嗟夫。城塞以止驅。猶服藥以已疾。小犯必至大舉。猶細症必至沉疴也。以城塞之遏小犯爲致大舉。則將以服藥之已細症爲致沉疴乎。繆也甚矣。

近日醜虜之生養愈繁。塞口之荼毒日甚。控弦鳴鏑。恣意南馳。蓋自虞嶺之役之後。以鎭兵爲不能戰。太原之掠之後。以鴈門爲不足險。永樂北征之後。至今百五十餘年。以中國爲不復有出塞之師也。故其始也。射獵塞下。時入我疆。畜牧彼野。夜不闔視。而我邊人出境盜馬者有焉。其繼也。精騎入寇。老弱不徙。空幕宿野。罔事偵邏。而邊人出塞劫營者有焉。今虞盜馬矣。夜闔視矣。虞劫營矣。入寇必徙避。其老弱卽有不徙。必設伏以待矣。而獨於出塞之師。則未備也。何者。人情安於近。嘗虜計昧于未兆也。

高關
 愚按高關一處去榆林七百餘里最稱孤危
 兩山中斷四面如闕明興設兵守險以遏強
 胡年來套虜住牧而高關遂
 失矣商恢復者其可忽乎

高關

愚按高關一處去榆林七百餘里最稱孤危
 兩山中斷四面如闕明興設兵守險以遏強
 胡年來套虜住牧而高關遂
 失矣商恢復者其可忽乎

按高關在古朔方臨戎縣北連山中斷兩岸俱峻若

城闕焉歷代設為重城屯戍卒守之朔方古夏州也

地在黃河套中世不知其所在以今邊闕言之最大

而要者居庸紫荆松亭鴈門是也前代闕隘之設皆

為守關今則咫尺神京非但守邊也蓋開闢之初

天造地設。以爲華夷之限。使外寇不得入。內奸不得出。而又遣巨靈。擘開兩山。以通出入。蓋億萬載之前。豫待我。朝開國于億萬載之下也。嘗觀元人進金史之表曰。勁卒擣居庸關。北拊其背。大軍出紫荆口。南扼其吭。此古今都燕者。防患之明鑑也。然擣居庸而謂之拊背。出紫荆而謂之扼吭。則其立言之間。輕重緩急。不問可知。蓋背乃人身之所倚負。而吭則呼吸飲食所必經。死生之係也。况今六軍億兆。聚于京師。北倚居庸。卽爲重鎮。而紫荆乃南出之路。疾騎抵吾運道。數日可達。猶不可不加之意焉。議者往往惡居庸而後紫荆。此不知大勢者之言也。

塞堡

築塞堡以固邊。練鄉勇以衛境。蓋備戎禦敵之第一切務。固知高城深池。藺石布渠。為邊塞修堡之計。惡不容緩。因擇其議之有當于固圍者于左云。

昔晁錯為文帝畫備戎之策曰。遠方之卒守塞一歲而更不知胡人之能。不如選嘗居者。家室田作具以備之。以便為高城深池。具藺石布渠洫。又曰。要害之處。通川之道。調立城邑。毋下千家。夫錯通事變。審機權。漢智囊也。其所圖畫。城城而已。則所謂實勝不為。

誇詞者歟。夫自井田之制廢而地險盡夷，封建之典隳而兵力大弱，塞鄙之地密邇異類，吞噬日聞，必待烽火徹于甘泉，六軍屯於細柳，然後徐興問罪，執言田禽則塞地赤矣。故曰百戰百勝，不若先爲不可勝以待之。先爲不可勝，城城其首務也。嗟夫，錯之爲文帝畫也，時值其難，姑舉其大，乃今而用錯畫，則時易而當致其詳，功半而効倍之者也。何者？楚漢兵爭，燕代反覆，漢其時塞口至絕少，夫錯首言更踐之無功。

次陳謫戍之賈怨，立拜爵之科，開續罪之路，多方以求懼無人也。調立城邑，毋下千家，慮不守也。乃若今時，則生養旣久，戶口大滋，繇塞垣以達畿輔，林林總總，不憂無人也。郡邑碁布，不憂不守也。所慮者村落之民耕作之輩耳。徙之城市，則奪我農時，任其便安，則遭罹虜患，故必鄉爲之堡，而家教之守，鄉爲之堡，險在地者也。家教之守，險在人者也。在地者宜固，在人者宜周。蓋嘗尤諸前圖事者矣。

宣德之間虜警絕音塞宜城也而不城成化弘治之間塞田屢稔鄉宜堡也而不堡弘治正德之間虜馬擾矣民亦漸爲堡矣官宜爲之制也而不制塞宜爲城而不城則疆場紳縮之間形勢之憾生矣鄉宜爲堡而不堡則胡馬數警之後奔命之疲惡矣官宜爲制而不制則力徒勞財徒費堡名而不實矣夫凡民者圖其近而忘其遠安于嘗而不知變者也官不爲制則仞餘以爲崇雉數以爲廣剝落以爲堅危逼以爲安又富者侈其慾貧者玩其期狡者

舞其智武斷者逞其僭是故塞下堡無一可式者也道里不於相去之遠近也形勢不於首尾之應援也丁口不於集聚之衆寡也智勇不於夙昔之選別也古人曰有生地有死地謂其可以生人可以死人也然則近日之堡固非生人者歟今之言禦虜者曰選精銳以衝其中虛是之謂戰城塞垣以遏之境上是之謂守而必終之堅壁清野夫言戰日養士矣言守

日城塞矣。至言堅壁清野，則惟付之虛文可乎。夫民堡不固，是壁不堅也。虜人有獲，是野不清也。知戰而不知固，民堡不殖其根而長枝葉者也。知城塞而不知固，民堡不去其餌而欲止魚者也。鳥可得乎。嗟夫！欲戰必先守，欲守必先清野，欲清野必先堅壁。一定之畫也。城民堡而約之制，團丁壯而教之戰，以民堡之固不固，稽守令保障之功，以團丁之精不精，察守令佚使之績，必使虜至塞不能入也，入無所掠也。至不能入則亡費，入無所掠則饑疲，衝其中虛，邀其腐歸，此其時也。或問民堡之制宜如何，曰：載鄉約，不觀九邊今日之地，非有異于昔也。薊之一十八萬，宣之八萬，大同之七萬，六千，今之兵非有減于昔也。顧額則晨星，隘則齟齬，偵且不有，防于何聞。論者以大寧內徙，宣遼隔絕，沿邊千里，逼虜為隣，誠難乎其為守。然則必從開平與和如國初，燕碣為礪，渾潔為帶，而後可乎。威繼光守薊，建敵臺千二百座，塞上

周垣二千里。畫地受工。跨墻爲壘。是役也。帑發僅十萬緡。經費考。上足當百二十萬。余子俊、王儀守宣修張家口諸處。以塞中路之竇。修永寧墩諸處。以扼京後之塞。修龍門所之盤道墩。迄靖胡堡之大街口。俾北路之兵。繇此以入。南山東路之兵。繇此以出。援獨石。周尙文守大同。築靖虜五堡。以翼弘賜。築滅胡五堡。以障威平。築拒墻五堡。以厚塞外之肩背。築新平三堡。以固瓦窰之屏藩。彼三臣者。伊何人。與。馮時翼翼。永壯京援。虜方齒指相戒。其何敢有端。日覲我者。而今何如。德勝間道。幾同無人。決墻南驅。三關失險。又何有于諸隘。而可以一丸泥封哉。

長城一帶。京後爲惡。當以宣薊爲北府。俾守北門。東以永平爲輔。守俾固諸隘。西以易州爲輔。守紫荆。南以臨清爲輔。坐鎮輝河。總扼河南山東之衝。南屯兵徐州。通兩京咽喉。如丘文莊議。而最惡者。尤莫如三關最近者。尤莫如北而昌平。東而通州。天津南而

良涿最要害者。尤莫如天壽山後之錐石灰嶺。奴
所從入。為宣薊接畛。互相推諉之地。

傳烽歌

傳烽號令妙無窮。編與墩軍各一通。千賊以上是。大
舉百里餘。外郎傳烽一砲一旗。山海路一砲二旗。石
門烽一砲三旗。燕河警一砲四旗。建昌功二砲一旗。
太平寨二砲二旗。是喜烽二砲三旗。松棚路二砲四
旗。馬蘭中三砲一旗。墻子嶺三砲二旗。曹家烽三砲
三旗。古北口三砲四旗。石塘終若遇。夜間旗不見。火
池。炤數代旗紅。賊近墻。加黑號。蒂夜晦。換盞大燈籠。

賊若潰牆進口裡仍依百里號相同九百以下是零
賊止傳本協自成功單用砲聲分四路不須旗火混
匆匆山海大牆皆一砲石門喜曹二砲從燕河松古
三砲定四砲建馬石塘終零賊東西一時犯兩頭砲
到一墩重該墩聽砲分頭說東接西來西接東但片
接砲聽上首砲後柳響卽如風砲數柳聲聽的確日
旗夜火辦玲瓏各軍俱要留心記若有差池法不容

烽燧

凡守邊不過遠斥堠謹烽火薊鎮以險可恃烽火不
修久矣綠軍馬戰守應援素未練習分派故視烽火
爲無用今凡無空心臺之處卽以原墩克之有空心
臺所相近百步之內者俱以空心臺克墩大約相去
一二里柳鼓相聞爲一墩每墩設軍五名計減去濫
設墩軍不下數千省費不貲墩之相去惟以視見聽
聞爲准不相間斷近臺者聽守臺百總調度不近臺

者聽信地百總調度烽號賞罰立為哨守條約分給
官軍習學遵行每一提調下各設把總二員每一路
各設傳烽委官一員凡遇賊馬所向之處該墩舉烽
左右分傳兵馬見烽卽行收拾器械或應速發或應
候報或應赴邊者分投趨赴戰守

皇明土官志

土番雜處中土如川陝雲貴廣西湖廣皆土
番也我朝爲之設立長官安撫諸司及軍民
等府以統之蓋亦羈縻
懷柔之義因及之云

土官故隸吏部驗封洪武三十年凡掌土兵者改隸
兵部洪武中土官無子弟其婿與妻皆襲永樂中襲
替人文出十年者亦聽然皆萬里赴闕或獻馬方物
請命宸謹天順八年三月上兩宮徽號始許土官
繳呈勘奏與冠裳于是介使未將威福自恣雖托羈

糜之名竟開驕悍之漸。成化十五年，又有納穀備賑之令，則經制日卑，而規取愈陋。孝宗末年，發憤登華，至正德旋復隳廢。嘉靖九年，今皇帝斟酌情理，曲為條約，稍復祖宗之舊。今攷府州縣正貳幕屬，巡簡驛傳，凡三百六十隸，驗封、宣慰、宣撫、招討、安撫、長官，凡百三十二隸。武選、隸、驗、封者，皆領布政司、武選所隸，皆領都指揮使司、文武相維，機權攸寓，細大相關，掌股易運。數年來，鑣撫巡部諸臣，建白日煩，紛更已甚，聰明自用，而憲典稍遺矣。

土官志

雲南本徼外地。國初元孽竊據，戊申開基，尚阻聲教。王禕秉義，捐軀傳友德；沐氏父子兄弟，威戡惠戢。梅思祖、張統繼膺藩屏，平徭均賦，疆土稍開。顧其人燦悍不得已，因俗為政，官其首領，稍示安輯。元江、永寧、鎮沅、孟良、景東，最強獷；鎮南、蒙化、順寧、霑益，差小。然皆向背靡嘗，調劑為難。諸甸約攝，騰衝諸羅，窺竊尋靖。蓋自麓川虛耗，中土孟養、曲狗、好夷，正統迄今。

益復反覆。况投宦非人。刑法好貨。湖南鎮北。將有梗
隔之憂。至求馬湖。建昌川陸。遠道計亦晚矣。
貴州本西夷羅施鬼國。國初靄翠。宋欽歸附。乃其
世官山峭地瘠。夷情猾詐。分隸川湖雲南。永樂癸巳。
始立三司。當時顧成威懷。有方稍稱馴順。其壤地聯
絡。衝胸掣肘。自西城北窺永寧。芒部南擾畢節。西播
外突。普凱內潰。交讒構亂。喜禍佳兵。每一梗阻。滇南
中斷。乃知分割三隸。疆域相牽。不可謂非策也。

湖廣土官皆據湖南。古巫黔中地。中錯辰嘗。外聯川
貴。溪洞嶮深。難擾易亂。彭氏富強。雄脅諸司。自宋迄
今。構結滋廣。驕橫溢堅。國家稍有征誅。輒議調發。
所過殘破。慘于劇盜。官司莫敢誰何。嘉靖中王守仁
討岑氏。時湖臬僉事汪濬。統馭嚴飭。頗稱戢歛。以故
順靖之禍。不獨湘楚永寶之憂。豈有苗夷也。楚中志
廣西當嶺南右偏。土瘠民獷。視東道特異。諸夷窟穴。
盤繞其間。右黔左鬱。荔浦東西。殘破不可言。大藤峽

深險尤甚。成化中，誅鋤極慘，近復跨江倚山，出沒剽劫。田寧梧、藤諸孱卒，竟不能扼制。桂林以北，六峒爲孽。則北連武岡，柳慶之西，八寨尚存。則東通懷遠府。江上下半爲夷，巢寇竊無虛日矣。

粵西志

夫江右岑氏猛賊，雖誅餘孽尚在。王廬再叛，思田更強。撫剿則黷兵守仁，撫則納侮。恐數年之間，復煩經略爾。

四川山包劔棧，水鎖瞿峽，襟帶擁束，足稱天險。惟烏蠻阻其東南，蔓撓西抵。番簇欲其馴順，是則調擾龍州。爲松潘咽喉，每遮我餉道。烏蒙、烏撒、芒部諸府，雖仰我鼻息，顧其內黨日堅，數啟隙亂。唇齒之勢，彼得挾而擾我，叙瀘之間，宜有機權。携其醜類，若乃礮門遠引，諸番播州，旁通四省。所謂與蜀盛衰者也。

蜀志

明興平定四海，凡夷遼蠻，燹徭，犛之地。西起巴東，牂牁抵湘楚，包絡湖嶺，東折而南，南盡海上，又東跨百粵。三江大者兼據，連城細者保持。深箐雖稍奉約，東

要在羈縻而已。然兵力稍健，乍叛乍歸，苟功率過濫，拊懷失策，惟圖自窘，狡窟益深矣。况地廣官高，擅利習兵，生齒益繁，財貨益廣，詐以謀臣罪，以功解，種憂釀禍，箴玩中土，未可謂無虞也。嗟乎！夏典要荒，周官藩鎮，大抵因民順俗，橫海伏波，逾遑絕嶺，輿地漸開，化理終塞，乃知天德無私，王道有量，闢國陋于綏人，曲防窘于曠度，苟醜類自獲飽，緩中華不患荼毒，吾又何求焉。惟夫利好蓄積，岐多解弛，或遠嫌自潔，或求勝喜功，于是侵警日聞，師徒數起，網漏綱頽，夷夏並困。茲欲收總長策，用圖久安，必定畫疆，理則隣族靡爭，預陳嫡孽，則宗庶自定。世及之際，以時覈聞，錢穀之輸，一切報罷，而又飭武事于節帥，修文德于廟堂，猾亂之憂，斯其鮮矣。

濟時策

松潘邊圖攷

松潘衛小河西三路新舊屯田二千八百五十九頃七十畝有零主客官軍各兵一萬一千六百八十四員各額坐各倉糧一十萬三千九百一十七石外倉二十石收糧一十萬三千九百一十七石安綿壩底石泉四路各官軍各兵六千四百五十二員各額坐各倉糧三萬一千一百一十八石

松潘等處軍民指揮使司隸四川川西道及領守禦

所一小河宣撫司一龍州安撫司四一八郎一麻兒

匝一芒兒者一阿角寨一長官一十七一年力結一

蠟匣一白馬路一山洞一阿昔同一此定一麥匣一
者多一班班一祈會一勒都包藏一阿者一曩兒一
阿用一幹寨一占藏先結

茂州衛隸四川都司領守禦所二一疊州一威州安
撫司一長寧長官司五一靜州一隴木頭岳溪蓮穎
茂州疊溪一藪郎隸疊溪

欽差巡撫四川兼理松潘安處綿建昌等處邊備都
御史一駐四川

欽差整飭松藩威茂安綿等處兵備按察司三松藩
一駐松藩威茂一駐茂州安綿一駐綿州

欽差分守松藩等處副總兵一駐松藩協守左叅將
一任小河填底轄守備一提督指揮五右叅將一駐

威州轄提督指揮三千戶一鎮撫一
協贊遊擊將軍二東路一駐尤州轄江油至漢關南
路駐疊溪轄鎮平至茂州

提督十五領東勝等九堡屯東勝熊旗紅花谷粟

高堡屯羊裕塘舍譚麻曠官軍五百九十員名屯
 田原額九百一十六頃三十五畝有零新增一百十
 六頃二十五畝屯糧三千八百七十石倉糧九萬三
 千二百七十一石零麥一千七十四石馬四百八十
 七疋

一領蒲江等六關堡關蒲江北定歸化屯堡艾嵩鎮
 革小屯

一領新塘等三關關新塘安化西寧

一領平定等六堡屯堡平定靖夷鎮番鎮平金瓶平
 夷

一領望山等十二關堡以上副總轄關望山雲欄風
 洞屯堡松林三舍鎮遠小關松了三師家四望官軍
 一千四百三十員名

一領峯崖等六堡屯堡峰崖華棠馬營水進鎮夷鐵
 龍官軍四百七十員名民快土兵五十五名屯田原
 額一千一百頃新增六百九十頃屯糧四千八百九

石馬九十四匹

一領曲山等十五堡關關曲山小埧睢水屯堡插鼓

后庄香溪疊尾白水溪面靈就視槽馬龍官軍一百

八十五員民快土兵一千二百四十五名倉糧二萬

三千四十五石

一領觀子等八關堡關大方屯堡徐平觀子平通大

邱茅堆山茅徐塘官軍四百七十五員名民快土兵

八百四十七名

一領石坂等八關堡關石坂上雄屯堡填底石泉自

邱青岡石泉城官軍七百九十二員名民快土兵一

千三百三十三名

一領平番等三堡以上左叅轄屯堡平番奠酒埋赤

土官軍五百員名屯田五十八頃五十二畝屯糧一

千五百九十六石馬九十七匹

一領永鎮等九堡屯堡永鎮大平普安新橋漢關疊

溪城馬路小關新堡屯田六十二頃四畝新增一百

三十四頃四十二畝屯糧五千三百五十八石

一領徹底等九關堡關徹底鎮夷保子屯堡灌縣保

縣新安乾溪埧州汶州屯糧一千六百一十四石馬

一百五十六匹

一千領七星等十五墩堡七星關屯堡石鼓鴈門青

坡墩黎園遷喬白水鹽魁取遠四顧羊毛五里官軍

七百九十四名民快土兵一百八十五名屯原額五

十九頃一十八畝

一鎮領土地等六堡屯堡土地鎮夷關子神溪土門

挑坪墩五里頭文鎮撫太宗渠

一領實大等八關堡以上右叅轄關實大屯堡穆肅

長寧松溪韓胡長安椒園鎮戎官軍七百九十六員

名民快土兵二百七十三名


谷以地土共之。可分十三。各
 受軍外。對前。其安。對。國。臨。其。官。軍。以。百。六。十。六。員。
 一。受。軍。大。善。八。關。坐。以。上。亦。參。詳。圖。其。大。吏。受。軍。前。
 其。受。軍。正。星。兩。支。總。點。大。宗。宗。
 一。受。軍。土。此。等。六。受。軍。土。此。受。軍。關。千。餘。人。土。門。

建昌

按建昌原隸四川行都指揮使司。領衛六。為
 建昌守禦千戶所六。長官司五。為建昌之屬。
 為會川之屬。為越雋之屬。為鹽井之屬。其地
 東烏蒙。西吐蕃。南中慶。北西蜀。據西南咽喉
 之衝。極
 稱要地

建昌鎮山清水秀。其俗僂人。重儒敬佛。相見之禮拜
 跪不拜。金珠富產。谷粟豐盈。民足衣食。牛羊鹽馬。擅
 布通商。殖貨越雋。郡東門十部蠻羣。居竹籬板舍。不
 事修飾。善造堅甲。利刃。弩置毒其末。活血立死。地有

建昌邊圖南畧



邊塞文

卷 建昌

三十一

觀

邊塞文

卷

三十一

觀

建昌圖北



北西



青草黃茅之瘴。其古蹟有武侯城。城南瀘水東。卽五月渡瀘故蹟。

建南夷

建南諸夷環處建昌。有安氏。越雋。有嶺氏。鹽井。有前左等所。寧番。會川。則漫無統焉。諸夷或叛。主相攻。土酋嚴。或率屬爲盜。出沒靡嘗。我軍被劫掠久矣。稽建昌衛伍所。禮州後所。中中所。打冲河中前所。德昌所。越雋衛肆所。鎮西所。寧番衛九所。冕山所。鹽井衛。玖

所。打冲河中左所。會川衛。俱額設馬步屯軍。土酋安守伍。祖咱叛。主瞿紹良害延地方。叛服靡定。越雋土酋阿祭。竊據邛信。欲滅嶺。應昇自立。所轄瓦布諸夷。并安把事。王大咱。及寧番。打冲河高山堡諸夷。各肆劫掠。不亟爲處。徒紛紛撫勦。恐撫則益黠。勦則軍損。賊合如蠅。隨驅隨集。不事耕種。行劫爲生。且劫牛畜。擄妻子。我軍率爲溝瘠。相地增兵。遷官防禦。據要害。杜憑陵。申邛巡之禁。專守備之官。畜精兵。以奪氣。嚴

保甲以致防。正名分以定主。無事則守。有事則拒。諸夷劫掠者。亦致力於農。邊鄙不聳。稽人成功。我軍之數將漸增矣。

飭印巡緝盜賊

建南漢夷雜處。不能無盜。各衛使掌印巡官。以盜爲諱。匿不以報。此盜充斥無寧歲也。劫掠被害。印巡能捕。恐後報讐。袖手聽害。不敢捕殺。國威日損。夷惡日熾。行拿強賊。放釋不究。合無令行保甲。遇盜。巡官追緝。其後如係土官。土舍轄下。責主首出梟首。主恠連坐彰法。守備印巡。呈報緝捕擒斬。月季歲報兩院視。此薦獎叅戒。則印巡効職。盜息民安矣。

遷邊官專防禦

越會鹽各設守備。會鹽駐劄會川。而該備無兵。且會距鹽八日。有變勢不能及。是會鹽係冗負徒設也。寧越駐劄鎮西。備雖募兵。該所多事。顧彼失此。是謂鎮西非寧越也。且二官多缺。越雋軍悍夷驚。劫擄殊甚。

邊塞考
小哨炒米關燒焚據報恐有岩州之禍若以會鹽守
備調守寧越駐劄越雋越雋以南至寧番專屬鎮西
守備會鹽守備各令掌印指揮代之越雋至小哨中
無哨堡道理荒遼大孤山與南箐俱盜出沒長老坪
靖邊堡俱係要害二哨久廢未修均應增砌城垣防
火備襲寧番苦番患不減越雋哈哈哨亦番夷出沒
哨難募兵係土婦安氏轄下放賊爲患軍希口糧多
不在哨失事方赴哨點盜賊充斥固也中左所各軍
稱強番夷所畏將該所調若哈哈哨改中左守禦所
庶軍餘身家世守番夷非患矣

革夷俗謹初婚

建南土酋婦必轄下代娶生子夷始向之不則背之
爭立禍民不可不革如嶺應昇母不繇屬娶遂致阿
祭藉口竊據印信惑入爲禍不革則以葉謀宗者當
不止一祭首也今宜申婚禮明支分土官生子卽報
應襲委巡捕俾夷信服嚴禁夷屬自後不許代主娶

婦立應昇以革夷俗。則婚禮正。沿邊可安矣。

更驛站便迎送

越雋衛小相嶺。盜劫患久。往來遇送。哨方行計。月止三次。然有逢哨被劫者。誠建南咽喉。人民死生財物得失。繇之。故建昌衛瀘沽驛。送往越雋衛龍泉驛。迎來必經相嶺。瀘沽嶺。錢糧抗遠。不應馬匹。龍泉不買馬。轉顧應付。致利濟驛馬匹。越龍泉瀘沽。至溪。與蘇州溪。蘇二驛馬匹。越瀘沽龍泉。至利人夫。經相嶺疾

首蹙額。若不勝憂。俟下次哨期。歷十餘二十日。方得回還。馬或被劫。倒死人。或被擄。三驛之疲困。可憫。今計當更驛站。就近迎送。將桐槽瀘沽驛。改登相堡。夫馬送至小哨龍泉驛。改小哨夫馬送登相堡。承哨期往還。驛站稱便。夫馬不疲矣。

守哨喉靖地方

番猥所畏。鹽井喇兵所據。打冲河橋。平日劫殺人財。姦淫婦女。焚燒房屋。一聞議勦。擁衆折橋。刺兵雖強。

不能飛渡。是橋乃咽喉所。巡官袖手。高山等堡。房焚
軍逃。食糧守路。盡皆行劫。邛信公文。亦被劫奪。是官
糧爲番賊之資也。但二所多係高山。難以棲守。惟高
山堡石漣漣。地勢寬廣。番夷出沒。此處築城建堡。調
鹽井左衛喇兵。計名給以番賊之糧。委能官守統于
鹽井。協巡指揮。則前制安氏中制番夷。後聯鹽井河
橋。彼不得賊。將畏我屈。我不戰而奪其氣。

杜外侮畜精兵

建有安氏。越有嶺氏。二氏本衛建南。然權夷勢分。番
猥良盜相半。不能我衛。反爲我憂。糧費兵焉用之。惟
鹽井衛左所。刺兵精強。二氏所畏。建南所恃。今被雲
南麗江之侵。不亟勘處。力不支。則建南失恃。領安二
氏益橫矣。左所木氏。麗府土酋。木旺之姑。以侄欺姑。
侵擾燒毀。殺擄。應襲刺馬高。侵占黑鹽井。築寨香羅
窩石。欲併吞木氏地方。各無移文。雲南催官會勘。監
坊別地。勒石定界。盟結之法。懼之。返還應襲。折卸築

秦明尊卑申省限外侮旣消左兵專守鹽衛建南有
賴安嶺將畏不敢肆矣

遷倉局以防寇盜

倉貯糧局藏兵倉置沙平堡無墻垣居僅數家以竹
爲壁局置索橋岸左右無民盜據局罷取倉糧誠借
寇齎盜也今建新堡石漶漶界宜改遷倉局於彼庶
防守有人兵食不爲盜資矣

訓邊官裨實用

衛所官員夷視叛服故言當否關休戚箭能否係觀
望夷皆精射我反不若爲夷竊矣此夷不我畏也至
校文藝止書脚色造冊冥然罔覺憑軍識造報頻駁
差安望出謀發慮弭盜安民裨益地方今合增設武
學衛所官員習箭藝讀武書季冬分地校試善射能
文與之管事否置閑散將爭力學以求委任裨實用
矣

天
 又典之官事亦置關於此年以本委升職實似
 學商兩司其官備應增為詳本今亦賦其
 委安望出新錄或或益安以特益此之今合
 外支商止青微也或或安於以費或軍於
 變或資商據其且不味或與商或或或或
 濟西官員或或或或或或或或或或或或或

建昌邊圖攷

關七堡五十有四總為里六十有七屯糧五
 萬六千七百四十三石夏秋米一萬八千七
 百四十五石九斗鹽課
 米三千六百石有零

欽差整飭建昌等處兵備兼分巡上川南道地方四

川按察司僉事一駐建昌

欽差督理糧儲兼管上川南道四川布政使司叅議

一駐雅州以都指揮體統行事守備二寧越一黎雅

鎮西一建昌屯糧九千六百四十一石

禮州中后所堡紙房瀘州高山沙平德力黃泥昌州
一千四百一十三石

建昌前衛屯糧六千八百七十四石

打冲前所堡青山松林平蠻鎮夷長官威龍普濟倉

糧八百六十六石六斗

寧番衛屯糧一萬八百七十四石倉糧四千二百石

冕山所關瀘占太平王橋堡鐵廠北山冕山巡哨李

子奴橋白石屯糧三千一十五石倉糧一千八百五

十石

越雋衛屯糧二千四百九十六石倉糧五千四百四

十石

鎮西所關炒米堡青崗寮葉木瓜坪坦苦菜平夷屯

糧六百十八石倉糧二千二百石

德昌所堡八里河南晒經白馬鎮蠻李子臨河小哨

長老溜水黃泥新添九盤屯糧二千九百七十六石

會川衛迷易所堡虎頭向沙迷邱屯糧一萬一百四

十石

鹽井衛屯糧七千三百九十八石倉糧一千六百一

十一石三斗

打石所堡箐口雙橋涼山鴛鴦新添馬壩土功雙橋
杭州紹興六馬鎮南定遠鎮西倉糧五百七十八石

虔鎮屬府管轄

虔鎮轄布政司四府九州一縣六十有五衛七屬所
二十有二通共官六百一十四員軍二萬八千七百
二十三名寨隘共二百五十六處

欽差巡撫南贛汀漳提督軍務都御史一

駐贛州

江西湖西道贛州兵備兼管嶺北道廣東嶺東道嶺
南道福建武平道福寧道湖廣上湖南道柳桂等處
兵備道嶺北駐贛州嶺東駐長樂漳南駐上杭柳桂

駐柳州餘駐各省

守備以都指揮體統行事有五南贛一惠潮一南韶

一汀漳一柳桂一

贛州

贛州衛官七十三員軍三千九百二名隘贛縣文灘

黃土婆婆

信豐所官一十八員軍一千八十七名隘興國龍子

劉坑梅窖衣錦油洞南村温陂峽田龍沙垓頭何樹

企嶺墟下槎園花橋迴龍壕頭方石楊梅

會昌所官十四員軍七百七十四名隘寧都東龍田

埠青塘白鹿長勝排雲下河多嶺

南安所官一十二員軍七百名隘雩都磔下龍潭馬

嶺峽口左坑牛嶺豐田佛嶺葛凹

潮州

潮州衛官五十三員軍二百五十四名隘會昌牛券

羊角湖界清溪分水羊石十五

程鄉所官九員軍六百七十五名隘信豐石口平岡

陂頭竹篙鴉鵲九里

靖海所官八員軍三百三十名隘龍南黃藤南逕樟

木橫江油潭龍子嶺

大城所官八員軍二百二十五名隘安遠火石大石

黃鄉雙橋馬洋南橋腰鼓滋溪尋鄔

蓬州所官八員軍二百一十八名隘石城埧口聳崗

鉄樹南嶺站嶺藍田秋溪

海門所官五員軍二百五十四名隘瑞金新中黃沙

大黃沙小桃楊車斷湖陂鷺公平地桐水

碣石

碣石衛官二十七員軍一千二百五十一名隘大庾

右源浮江宰屋雲山

海豐所官六員軍四百八十五名隘南康崑嶺古樓

捷勝所官八員軍五百五十名隘上猶上稍三門賴

塘疋袍廬王大雷

...

平海所官五員軍八百一十名隘崇義長流上保長塘蛇頭流決聶都關田穩下小坑茶寮
甲子所官十員軍三百六十名隘長汀古城九際黃峯鷄籠分水長橋桃楊鎮平佛子

惠州

惠州衛官四十八員軍四千四百八十名隘寧化石壁鳳凰嚴塘

河源所官三員軍二百六十九名隘上杭蘆豐南坪
斧岡軍營郭公長嶺寒陂銀凹鮮水溪檀嶺桃排彩
蒼羊蹄板寮

龍川所官十員軍一千一百一十九名隘連城秋家
廖天橫山朗村新泉烏石石固

長樂所官二員軍一百四十一名隘武平鑄龍鄭家
潮界磴頭檀嶺

南雄所官七員軍三百八十六名隘歸化鉄嶺伍通
下坊三溪水口

汀州

汀州衛官四十員軍一千八百九十名隘龍溪柳營
福河龍嶺華封若竹汰口良村宜招涵口

武平所官十二員軍七百一十名隘龍巖水漕黃坑

東坑狗骨山緣倒嶺肖坑

上杭所官十一員軍六百八名隘長泰鷓鴣林日磨

鎔白桐上寧

漳州

漳州衛官四十一員軍四百八十五名隘南靖峰峯

寒婁

南韶所官六員軍四百四十四名隘漳平三峯華口

石門南坑卓安白泉禾頭虎山吳崎流溪高星東坂

陽東邊雲洞朝天葉下馬香樹石碓馬啣火燒

龍巖所官十三員軍四百一十七名隘平和象湖朱

公廬溪東赤棟高際半地三角

鎮海

鎮海衛官五十六員軍九百三名隘保昌平田石紅
梅聞韶瓜冬林溪南畝孔地百順

六鰲所官十九員軍五百九十三名隘始興花腰猪
子桂了河溪涼口上臺楊子沙田黃塘

銅山所官十三員軍五百二十三名隘仁化風門城

日赤石七里

玄鍾所官五員軍七百一十九名隘翁源銀場東桃

北嶺

韶州所官十五員軍四百七十六名隘樂昌銅鑼龍

日象牙黃土

林州所官十五員軍六百二十六名隘長樂錫坑古

樓榕樹平塘解沙芙蓉象鼻董源大剝秋溪

桂陽所官十九員軍五百六十四名隘興寧四都大

坪

廣安所官七員軍二百五十一名隘桂東燕塘九磴

八面猴子

宜章所官七員軍三百六十二名


麻陽

按麻陽乃貴州屬邑東北皆荆苗凡六十有四塞時叛逆尤難治吏茲土者其賢守令乎

鎮溪叛苗二十董朶董其亞糯敢冷敢勒響水崇山
衛紅厓小稍小米沙流板發茅岡下水彪山小鉛鎗
盤朶張兵馬得洞束那等寨

箬子坪叛苗二十七洞頭中畧晉絞亞保谷耻大略
琴音盤營回寨大塘爆木岩口盤那孟瘦大塘池已
烏牌小五音惡黨古藏板栗冷水掛那廖鉄鳥巢老

麻陽圖



麻陽圖



萊巖洞等寨貴州叛苗一十七黑潭乾溪罵勞呂噶
 罵冲地所塘寨蜈公地道平頭地恨老條龍塘苟腦
 山忿栗凹治古麥地抱木老見旦逞普杓田坪烏牌
 卒茶麻峒木坪等寨

經國雄略邊塞攷六卷終

